

MEDICAE FACULTATIS DECANI  
**HERMANNI FRIDERICI  
TEICHMEYERI**

PHILOSOPHIAE ET MEDICINAE DOCTORIS, ANATOMIAE, CHIRUR-  
GIAE AC BOTANICES PROFESSORIS PUBLICI ORDINARII  
SERENISSIMI DVCIS SAXO-ISENACENSIS CONSILIARII  
ET REG. SOC. SCIENT. BORVSS. SOCII

PROGRAMMA INVITATORIVM  
DE  
**MEDICO BENE  
VALENTE**

DISSERTATIONI INAUGVRALI  
DE  
**P O D A G R A**

*DIE X. DECEMBR. M DCC XXIX.*

HABENDAE  
PRAEMISSVM

---

IENTAE, DOMINICA II. ADVENTVS  
M DCC XXIX.

---

LITTERIS MULLERIANIS.

HERMANN FRIDERIC  
TEICHMEYER

PHILOSOPHIE ET MÉDECINE DOCTEUR, ANATOMISTE CHIRURGE  
DE LA FACULTÉ DE MÉDECINE, PROFESSEUR D'ANATOMIE  
ET DE BOTANIQUE, MÉDECIN EN CHEF, ET  
CHIRURGE EN CHEF, HÔPITAL GÉNÉRAL DE  
PARIS.

PROGRAMMA INVENTORII

MEDICO RENE  
VALENTIN

DISSERTATION INNOUVÉE

PODAGRA

DE M. R. VALENTIN, M.D.C.C.C.

HABESSE

PARIS, 1785

LIBRAIRIE DE M. D. VALENTIN

M. D. C.C.C.

LIBRAIRIE DE M. D. VALENTIN





**E**tsi quidem, iudice PATINO, vitam nullus ac-  
 ciperet, si daretur scientibus, cum ad eam cui  
 patet ingressus, pateat simul ad miseras a-  
 ditus, ubi infiniti morbi, vel silantes, sive la-  
 tentes, insidias struunt, vel, ut manifesti, aper-  
 to Marte grassantur & sæviunt. Nihilo se-  
 cius tamen omnes viventes vitæ longævæ a-  
 more ducuntur, neque quidquam vitam hanc ærumnosam, semel  
 acceptam, nisi invita natura deserit. Vita enim hominibus nil ca-  
 rius, nil pulchrius, nil præstantius, imo vitæ huius tanta pe-  
 nes eos dignitas est & æstimatio, ut reliqua mundana bona omnia  
 præ illa sordeant, imo prorsus nullius usus esse censeantur. Sa-  
 pientissimus conditor certe hominem non ad mortem, sed vitam  
 perpetuam condidit, usumque arboris vitæ ipsi in paradiso con-  
 cescit, procul dubio, ut ita ætatum alternationes, virium decre-  
 menta, languores, mortemque ipsam averteret, quod beneficium in  
 posteros etiam transiisset, nisi Adamus, ob lapsum, quem vocant  
 Theologi, & legis divinæ prævaricationem, medicinam hanc immor-  
 talitatis turpiter amisisset. Mors ergo non a Deo, sed ex legis  
 transgressione advenit. Potius idem omnipotens creator ideo cor-



poris nostri harmoniam non solum tam elegantem & admirandam, imo omnibus numeris absolutam esse voluit, & substantiam illam spiritualem nobis inspiravit, eamque intime cum corpore univit, ac de cætero divina manu largissime in hominem omnia contulit, quæ tota rerum universitas sinu suo complectitur. Insuper tantum quoque amorem animæ erga corpus suum indidit creator sapientissimus, ut licet anima tota sua natura a corporis essentia distincta sit, & nobis ignoto vinculo eidem cohæreat, tamen cum eodem omnis generis torturas & lævissimos cruciatus diutissime patienterque perferat, & nisi machina corporea penitus destructa, ab eodem non secedat. Quid igitur mirum? quod huius quoque intuitu adhuc omnes omnino homines longævitatæ amore ducantur, quo placide fruamur eo, quod tot sudoribus fuit acquisitum. Et licet cum comesto a protoplastis malo, malum quoque omne ab iis fuerit deglutitum, ita, ut pro dolor! fragilitas iam nobis connata sit, & mors omnibus hæreditaria, tamen ineffabilis Dei misericordia, medicinæ, quam ex terra procreavit, nondum vires insitas maledictione sua penitus subduxit, quin adhuc supersint quædam, quibus per innumeras morborum procellas huc illucve agitatam corporis machinam aliquamdiu inconcussam conservare possit homo, & in melius reparare. Opprobrio ergo esset hominibus, media, quibus ad vitam conservandam necessario indigent, cognita non habere, & multo minus Medicis, qui aliorum sanitatem curant, vitio vertendum, si de vitæ prorogatione, & propriæ sanitatis integritate, constanter sint solliciti. Ita se ipsos curant. Hanc sanitatis propriæ curam Medicis commendavit sapientissimus HIPPOCRATES, in principio libri, quem de *Medico* conscripsit, ubi inquit: *Oportet Medicum sui ipsius curam gerere, ut bene coloratus sit, & bona ac carnosæ corporis habitudine præditus, iuxta naturam, in eo existentem.* Et statim rationem addit sui consilii: *Vulgus, inquit, existimat eos, qui non sic bene corpus dispositum habent, neque aliis bene posse prospicere.* Veruntamen non vulgus tantum, sed & prudentissimi homines in exemplo Medicorum discere possunt, quomodo per diætæ convenientes regulas, per medica-

dicamentorum selectissimorum applicationem sanitas inconcussa sit conservanda, & placida vita proroganda. Vir sapiens quando Medico suam vitam & sanitatem concedere vult, sibi eligit Medicum eruditum, expertum, conscientiosum, affabilem, & secundum Hippocratem, sanum, robustum, & bene coloratum, qui in consiliis dandis & exequendis promptus esse potest. Reicit contra inexpertum, morosum, agrotantem, tussientem, baculisque incedentem, qui in actionibus suis lente & somnolenter procedit. Sunt quidem, qui putant, Medicum valetudinarium aptiorem esse ad faciendam medicinam, quam alterum, inculcata valetudine degentem. Hoc argumentum demonstrandam in se sumit Illustris RAMMAZZINI, in Patavina academia Professor primarius \*, & fundamenti loco posuit sententiam PLATONIS \*\*, qui Medicum praestantissimum evadere scripsit, si ab ineunte ætate, præter discendæ artis studium, apud plurimos, corpore male affectos, consuetudinem habuisset, ipseque omni morborum genere laboraret. Si hoc dictum Platonis in duo capita dispescimus, prioris utilitatem concedimus, posterioris vero necessitatem merito in dubium vocamus. Quis enim vel iuniorum, vel seniorum Medicorum desiderat eiusmodi omnibus numeris absolutam experientiam? Quis ad addiscendam morborum historiam sibi exoptat caput, tinea affectum; oculos, rubedine lippientes; aures susurrantes; nasum, ozæna exesum; dentes, carie corrosos; pulmones, phthisi affectos; halitum oris fetentem; cor, polypis obsessum; ventriculum, cruditatibus repletum; intestina, colica afflicta; hepar obstructum; renes atque vesicam, calculis repletam; anum, fistulis perforatum; genitalia, a lue venerea putrida; pedes, ob podagram claudicantes; digitos, a chiragra incurvatos; faciem, vel colore flavo ictérico, vel plumbeo cachectico defœdatam, vel varis, gutta rosacea, aliisque ulceribus conspurcatam, & emplastris undique tectam? Hæc enim experi-

entia

\* In Oratione tertia, Operibus suis annexa, pag. 883.

\*\* Lib. III. de Re publica.



entia, ex proprio corpore desumpta, Medico ipso molesta, aliis vero tædiofa est, uno verbo, turpe est, Medicum ipsum morbo laborare, culpa sua acquisito, eum negligere, & non in prima scintillula suffocare. Est quidem Medicus homo, neque humani aliquid a se alienum esse putabit: Interim tamen ante omnia se ipsum curare debet, & proprio suo exemplo alios ad vitæ sobriæ studium excitare.

Meditationes hæc de Medico bene valente proponere volui occasione clarissimi artis medicæ candidati,

## M. SIMONIS IOANNIS IACOBI ORTELII.

Hic lucem publicam primum conspexit in pago, *Frofa* vocato, sito in principatu Anhaltino, anno 1697. septimo die mensis Novembris. Parentes habuit honestissimos; patrem quidem, in memorato loco Cantoris & Præceptoris scholastici munere fungentem, IACOBVM ORTELIVM, matrem vero MARIAM CATHARINAM GIESLERIAM, pie defunctam. Prima elementa christianismi & litterarum didicit a venerando suo patre partim, partim a præceptoribus domesticis. Deinceps traditus est curæ Domini GOETZII, Pastoris *Breitensteinensis* meritissimi, cuius fidem & diligentiam ubique expertus est. In Lyceum Ascaniense missus, litterarum studia prosecutus est sub moderamine virorum doctissimorum, Dn. VLMANNI, Rectoris, & Dn. STOECKERI, Conrectoris. Relicto hoc lyceo, se contulit in inclytum Gymnasium Quedlinburgense, & ibi ab ore pependit clarissimorum Præceptorum, Dn. M. EKHARDI, Rectoris, Dn. M. LAVII, Conrectoris, & Dn. GERXII, Sub-Conrectoris, qui omnes florentissimum illud Athenæum adhuc ornant. Ad studia academica ita decenti modo præparatus, celeberrimam nostram academiam salutavit anno huius seculi duodecimo, & a Magnifico t. t. Prorectore, Dn. D. STRVVIO, ICto-consummatissimo, in numerum Studioforum receptus est. Consecravit se pri-

mum

mum candidatus noster studiis theologicis, hincque statim in limine  
 sedulo visitavit celeberrimorum Philosophorum & Philologorum  
 scholas; B. Dn. HAMBERGERI; B. Dn. D. MVLLERI; acutissimi  
 Philosophi, SYRBII; Dn. Prof. RVSSII; B. Dn. D. DANTZII, a qui-  
 bus etiam, absolutis studiis philosophicis, titulo & honoribus Ma-  
 gistri philosophiæ ornatus est. Theologicas vero doctrinas ex  
 summe reverendorum virorum, B. Dn. Dr. BVDDI; Dn. Dr. WEISSEN-  
 BORNII; & B. Dn. Dr. LVNGERSHAVSENI ore hausit. Quin-  
 quennio ita feliciter absoluto, exterarum nationes visitare in animum  
 induxit, ideoque Lubecam profectus, in navim se contulit, infausto  
 quidem fidere; nam durante adhuc bello Suecico, a Danis captus,  
 atque omnibus bonis privatus est. Tandem in Sueciam perve-  
 nit, Holmiamque, metropolim, regiamque sedem, vidit, qua  
 relicta, Upsaliam se contulit, studiumque medicum ibi felici-  
 ter inchoavit sub directione celeberrimorum Professorum. Virtus  
 vero cum latere nesciat, etiam nostrum candidatum commendavit  
 Per-Illustri Libero Baroni, OTTONI IOANNI DE MAIDEL, vigilia-  
 rum præfecto regio supremo, qui filios suos candidati nostri in-  
 stitutioni & directioni tradidit. Apud hunc magnum patronum  
 in Suecia duos annos transegit. Postea, cum illustri hac familia, per  
 Finnam in Livoniam pervenit, ibique officio suo per quatuor annos  
 laudabiliter præesse perrexit. Tandem ad proseguenda studia medica  
 anno huius seculi XXVI. Ienam nostram reversus est, & ab eo  
 tempore omnium celeberrimorum virorum collegia, tum publica,  
 tum privata, sedulo frequentavit; in primis celeberrimi Dn. Con-  
 siliarii aulici, WEDELII, Exercitationes semiotico-pathologicas, de  
 Methodo medendi, de Febris, de Inflammationibus; Magnifici  
 Dn. Pro-Rectoris, HILSCHERI, Acroases chirurgicas de Formularum  
 præscriptione; Celeberrimi HAMBERGERI lectiones institutio-  
 num medicarum, physiologicas, anatomicas & osteologicas; B. Dn.  
 Dr. STÜVENII doctrinas physiologicas, pathologicas, semioticas,  
 practicas, casuales, atque materiæ medicæ. Meorum laborum quo-  
 que semper indefessus fuit comes in physicis, anatomicis, phy-  
 siologicis, chemicis, chirurgicis, botanicis, & therapeutiis, Exant-  
 latis



latis itaque omnibus ad eruditionem veram medicam necessariis laboribus, ante aliquot menses candidatus noster modeste petiit, ut ad consueta examina admitteretur. In quibus quoque collegio nostro eruditionem suam sufficienter probavit. Restat ideo tantummodo Dissertatio inauguralis, quam sub Præsidio Magnifici Dn. Pro-Rectoris de *Pedagra* habebit instante die X. Decembris. Cui panegyri ut Magnificus Dn. Ex-Prorector, Illustrissimi Dni Comites, Proceres academiae venerandi, hospites omnium ordinum honoratissimi, & quicunque ex generosissimorum ac nobilissimorum Dominorum Commilitonum corona studiis medicis favent, benevole interesse dignentur, ea, qua decet, observantia & humanitate, nomine collegii mei, rogo atque obtestor. Ienæ P. P. sub sigillo

Facultatis medicæ, Dominica II. Adventus,

M DCC XXIX.

